

RAYMUNDUS TELLERÍA

S. ALFONSI ADSCRIPTIO MILITIAE ECCLESIASTICAE  
iuxta Regesta Curiae Neapolitanae.

Quoniam decurrente an. 1962 in memoriam revocavimus S. Alfonsi ascensionem ad culmen dignitatis episcopalis, edere aequum ducimus Acta Curiae neapolitanae, quibus connotati fuerunt illius primi ac successivi gressus versus militiam ecclesiasticam. Prostabat quidem apud eiusdem Curiae archivum paucos abhinc annos fasciculus locuples in sectione sacrorum patrimoniorum (n. 9324), ubi congesta tenebantur documenta, quae a S. Alfonso clerico tempestive superioribus suis ecclesiasticis porrecta erant. Diximus « fasciculum locupletem », utpote coacervatum quadraginta quattuor instrumentis diversae originis ac variae significationis. Aderant v.gr. fides sui baptismi et confirmationis necnon transumptum matrimonii suorum parentum; litterae testimoniales semel atque iterum prolatae (ante singulos ordines sacros) tum parochi S. Michaëlis « a Segno », cui ille subiacebat tanquam clericus, tum secretarii Missionum Apostolicarum quibus inhaeserat, tum P. is Vincentii Cuttica lazaristae adserentis participationem « semel saltem in mense » S. Alfonsi exercitiis dominicalibus atque sacris caeremoniis addiscendis apud PP. Missionis in suburbio « Virginum »; titulus patrimonialis ordinando constitutus a D. Iosepho de Liguoro, una cum pluribus adnexis instrumentis, quae patrimonii institutionem reddebant iuridice stabilem atque efficacem. Et sic porro.

Dolemus equidem quod praefatus fasciculus ex loco suo mox disparuerit: prius nempe quam facta esset eiusdem accurata transcriptio. Interea spes manet futurum fuisse ut in definitiva, quae nunc inchoatur, archivi dispositione reperiatu denuo fascis distracta et in lucem tandem producatu. Ne autem similis distractio afficeret alia documenta, haec in antecessum exscripsimus ex originali fonte eaque hodie vulgamus, quamvis nimii momenti haud videantur. Nulla aut fere nulla indigent explicatione vel praevio commentario; quamobrem dumtaxat adiecimus singulis documentis quaedam notanda atque in adnotationibus ad calcem paginae subdidimus unam alteramve notitiam super his sociis a S. Alfonso praecognitis in fraterno itinere versus altare et qui deinceps, labentibus annis, cum ipso amicitiam sartam tectam coluerunt. Dulci equidem imperio amicitiae S. Alfonsus, quamdiu vixit, semper et ubique stetit: adeo ut amicorum cultus seu frequentia devenerit in-

dolis suae humanae tessera nobilissima, roborata oleo necessitudinis supernaturalis per divinam gratiam diffuso. Extra sociorum ambitum bis comparet in documentis adnexis can. Petrus Marcus Gittio, cuius partes in moderando Seminario neapolitano fuerunt pariter primae in promovendo curriculo ecclesiastico S. Alfonsi (1).

## DOCUMENTA

## I

*De primae Tonsurae receptione.*

Arch. di Curia, Registrum Ordinatorum, 1711-1727, f. 161

Die sabato Quattuor Temporum post crucem vigesima tertia mensis septembris 1724. Omnes infrascripti fuerunt per Ill.mum et R.mum D.num Salvatorem Miroballum(2), Patritium Nea-

(1) Petrus Marcus Gittio (seu Gizzio) « e Montoya », prout ipse interdum sese subscribit gerens morem traditioni gentis suae, erat S. Alfonsi sensu latiori avunculus ac seminarium neapolitanum tanquam rector gubernavit ab an. 1701 usque ad annum saltem 1741, in quo condidit suum testamentum atque intra illud sepsit voluntatem suam de iuribus in rectoratu adquisitis. Ad tempus tamen collaboratorem aut substitutum habuit can. D. Carolum Maiello, mox archiepiscopum Emessinum, qui an. 1724 in subcitando processu consistoriali Rev.mi Dominici Invitti affirmat tanquam testis: « Saranno venti anni in circa che tengo cognitione del Sig. D. Domenico Invitti con l'occasione che in quel tempo io ero rettore del Seminario di Napoli, et esso veniva qualche volta a trovarmi ». Super relationibus inter S. Alfonso et can. Petrum Marcum Gittio testatur P. Vincentius M<sup>o</sup> Farao ex Oratorio S. Philippi neapolitano: « Ho conosciuto Mgr. Ligorio nella sua fanciullezza .... Avendo conferito suo desiderio [*vocationis ecclesiasticae*] col Sig. can. Gizzio, suo zio, col suo mezzo ed efficacia otteneva dal di lui padre il permesso di lasciare l'impiego del Tribunale ed applicarsi allo studio ecclesiastico sotto la cura e la direzione di d<sup>o</sup> Sig. can. Gizzio, con cui regolandosi sempre si applicò allo studio delle scienze necessarie per d<sup>o</sup> nuovo stato...: si dispose a ricevere tutti gli ordini sacri ed il sacerdozio sotto la guida e savia condotta di d<sup>o</sup> Sig. can<sup>o</sup> Gizzio, suo zio ». AG, XXVI, 22. Notum est historicis alfonsianis quot et quanta adhuc perstent dubia circa curriculum studiorum ecclesiasticorum a S. Alfonso peractum ac circa scholas ac magistros, quibus ille usus est. Super can. D. Petro Marco Gittio, cfr *Spic. hist.* 8 (1960) 410, 439. Ampliores notitias praeponeamus illius testamento, in lucem edendo quando placuerit Domino.

(2) Rev.mus Salvator Miroballo, ex ducibus Campomele, utriusque iuris doctor, in universitate romana (« Sapienza ») insignitus fuit an. 1717, aetatis suae 35, titulo archiepiscopali ecclesiae Nazarethanae: de facto autem huic titulo adnectebatur regimen civitatis, cui nomen Barletta. Arch. Vat., Proc. Consist., an.: 1717, v. 106, f. 211-219: Nazaren. - Ab initio novit difficultates ad obtinendum regium exequatur. (Ibid., fondo Albani, v. 46, f. 146, 151, 169). Perrexerunt difficultates annis sequentibus, tum cum regiis ministris, tum cum vicina Curia civitatis Trani: adeo ut die 15 mensis iulii an. 1724 rescriberet ipse card. Paolucci desiderans « essere sollevato da tante angustie sofferte e patite in questa chiesa nazarena, che da sette anni viene da me governata, non avendo un momento de respiro per li tanti taccoli e controversie, che sono state tanto con Regij ministri, quanto con la Curia di Trani ». Ibid. Vescovi, v. 141, f. 157. - Quae omnia confirmat die 22 iulii deprecans ipsum cardinalem « mio consecratore », ut verba cum S. Pontifice faciens assignent ipsi quoddam officium in Curia Romana: « godere qualche nicchia in cotesta Alma Città » (f. 171). Interea Neapoli commorabatur apud card. Pignatelli (« che con occhio parziale mi rimira ») ideoque facile explicantur eiusdem publici actus tam in conferendis sacris ordinibus, quam in aliis solemnitatibus. Sic v.gr. mense agosto an. 1723, adstantibus duodecim episcopis, in S. Domenico Maggiore canit ipse missam de requie pro Nuntio Mgr. Vicentini corpore praesente

politanum, U[triusque] J[uris] D[octorem] ac S[acrae] T[heologiae] P[rofessore]m, Dei et Apostolicae Sedis gratia Archiepiscopum Nazarenum ac Adiutorem Cathedralium Cannarum et Montis Viridis Episcopum, promoti et ordinati ad infrascriptos ordines respective, generales ordinationes celebrantem in Altari Maiori S. Restitutae intus Metropolitanam Ecclesiam Neapolitanam pro Em<sup>o</sup> et Rm<sup>o</sup> D.no card.li F.co Pignatelli Archiepiscopo Neapolitano eius vice; et sunt numero septuaginta novem: Primae Tonsurae viginti tres, Ordinum Minorum sexdecim, Subdiaconi decem, Diaconi sexdecim et Presbyteri quattuordecim, praesentibus D.no D. Petro Casimiro de Duce, can.co secretario, D. Domenico Bordilletti, D. Blasio Filardo et aliis.

Ad primam Clericalem Tonsuram:

D. Alphonsus de Liguoro, Patritius Neapolitanus.

*Notanda*: S. Alphonsus primum in elencho locum tenet isque est unicus cui adsignatur qualificatio « patritia », magni olim aestimata. Inter tonsurandos inveniuntur tres dominicani « cum obedientia eorum Superioris », quattuor carmelitani simpliciter, sex carmelitani « strictioris observantiae », tres carmelitani « discalceatorum »: universi tamen « Ordinis carmelitarum... cum obedientia eorum Superioris ».

## II

### *De quattuor Ordinum Minorum receptione.*

Arch. di Curia, l. cit., f. 172

Sabato Quattuor Temporum post crucem die vigesima tertia mensis septembris [*lege*: decembris] 1724. Omnes infrascripti fuerunt per Ill.mum et R.mum D.num Salvatorem Miroballum, U[triusque] J[uris] D[octorem] ac S[acrae] T[heologiae] Professore, Patritium Neapolitanum, Dei et Apostolicae Sedis gratia Archiepiscopum Nazarenum ac Administratorem Cathedralium Cannarum et Montis Viridis Episcopum, promoti et ordinati ad infrascriptos Ordines respective, generales ordinationes celebrantem in Altari Maiori Metropolitanae Ecclesiae Neapolitanae pro E.mo et R.mo D.no card.li Franc<sup>o</sup> Pignatelli, Archiepiscopo Neapolitano eius vice; et sunt numero nonaginta unius: Primae Ton-

(Ibid., Napoli, v. 166, f. 94) et mense iunio an. 1724 praest eucharisticae processioni PP. Dominicanorum « alla Sanità » (Ibid., v. 167, f. 20). Attamen dimissa dioecesi Nazarethana an. 1725, nequivit a suo successore Rev.mo Jorio extorquere pensionem sibi adsignatam: « Il povero arcivescovo Miroballo, sic ille ad card. Lercari, fin dal tempo 29 marzo 1725 che dimise la chiesa, non ha percepito un baiocco ». Ibid., Vescovi, v. 149, f. 493, Napoli 9 aprile 1728. - Item: v. 150, f. 163, 505.

surae viginti quinque, Ordinum Minorum quattuordecim, Subdiaconi decem et octo, Diaconi tresdecim, et Presbyteri viginti unus, praesentibus D.no D. Pietro Casimiro de Duce, can.co secretario, D. Domenico Bordiletti, D. Blasio Filardo, D. Hyacintho Majello et aliis.

Ad quattuor Minores Ordines unica die cum dispensatione E.mi D.ni:

Andreas Resillo, casalis Afragolae, alumnus Seminarii.

D. Alphonsus de Liguoro, Patritius Neapolitanus.

*Notanda*: 1. - Inter Tonsurandos accensentur duo Pii Operarii, quorum unus est Ludovicus Sabatino neapolitanus, id est, Sabatino d'Anfora, futurus S. Alfonsi amicus atque episcopus Aquilanus (Aquila) (3).

2. - Solummodo nomini S. Alfonsi praeponitur clarioris stirpis signum seu « Don » ac postponitur qualificativum « Patritius ».

3. - Inter Subdiaconos adest Michaël de Alterio, « casalis Paniscoculi », inter autem Sacerdotes Nicolaus de Alterio eiusdem casalis (4).

4. - Primo Minoristae et duobus Sacerdotibus adscribitur titulus:

---

(3) Ludovicus Sabatino d'Anfora eminebat postmodum inter praestantiores sodales suae Congregationis, dignus heres patris sui Ven. Ludovici Sabatino, qui an. 1719 dictat in testamento: « Item lascio al Sig. Ludovico Sabatino mio nipote il Crocifisso d'ottone che da me si soleva portare nelle missioni ». Scientiâ atque experienciâ sua missionaria palam confirmavit opinionem S. Alfonsi super maledictione in defunctos prolata, prout ipse Sanctus Doctor meminit in folio, quod *Expiatio a nonnullis in me disseminatis calumniis* inscripsit et an. 1748 inseruit *Adnotationibus* super Busenbaum. Post biennium, aetatis suae 42 annorum, Ludovicus Sabatini suscepit regendam ecclesiam Aquilanam (Aquila). Arch. Vat., Proc. Consist., an. 1750, v. 138, f. 57-67: Aquilan. Eccl<sup>a</sup>. - Ex non paucis suis operibus editis nostra multum interesset opus manuscriptum: *Memorie Istoriche da che fu istituita la sua Congregazione fino al giorno d'oggi*, sicuti referunt *Novelle Letterarie*, VI, Firenze, 1745, col. 330-338. Sed hucusque nos latuit eiusmodi manuscriptum.

(4) Sublineamus hos viros ecclesiasticos, cognomine d'Alteriis seu d'Alterio distinctos, quia D. Michaël d'Alteriis voluit postmodum adscribi Congregationi alfonsianae, a cuius novitiatu discessit ob patris sui oppositionem, ab archiepiscopo probatam, teste S. Alfonso rescribente ad P. Iulium Marocco: « Volete fare come Alteriis, da voi una volta condannato? Eppure quello ebbe l'arcivescovo che lo costrinse a restare ». *Lettere di S. A.*, I, 79. Cfr etiam: TANNOLA, *Vita*, II, c. 6, Napoli 1798, 100. Oppidum seu casale Paniscocoli, hodie dictum Villaricca, 15 klm. a Neapoli distans, numerabat an. 1736 sacerdotes 34 in casali natos, ex quibus ibidem morabantur Ioannes, Franciscus et Matthias d'Alterio, Neapoli autem debebant Michaël, Franciscus Xaverius et Ianuaris d'Alterio. Ianuarius die 23 iulii an. 1736 suffectus est in iuribus familiae fratri suo Nicolao defuncto, de quo loquimur in textu. Arch. di Curia, Sacra Visita, Spinelli VIII, f. 215, 231, 251: Paniscocoli. - Super D. Michaële d'Alterio, an. 1741 in missionibus S. Alfonsi socio, sufficiat promere elogium necrologicum Libri parocchialis Mortuorum: « Die 9 nov. 1775 R.dus D. Michaël d'Alterio annor. 72 huius Terrae Paniscocoli..., Frater ex Oblatis Congregationum Missionariorum Assumptionis B.M. Virginis in Archiepiscopatu Neapolitano et S. Mariae Puritatis in S. Georgio Maiore Piorum Operariorum: qui per annos circiter 46 consummatus in sacris missionibus in toto regno neapolitano ac speculum ecclesiasticorum, et obedientia ac aliarum virtutum, in comunione S.M. Ecclesiae animam Deo reddidit: cuius cadaver sepultum est die sequenti in ecclesia parochiali Paniscocoli: R.do Dominico d'Alterio confessus est, SSmo. Viatico refectus et sacri Olei unctione roboratus ». Parr. S. Mariae de Arcu Paniscocoli, Lib. IV Mort., f. 70. Eius sepulcrum hodieque exstat in praecipitata ecclesia ante altare maius cum elogio funebri. Cfr etiam: PAOLONI D., *Gli eroi del Clero di Napoli*, Napoli 1910, 73. Item: S. Alfonso 14 (1943) 22-24.

« Alumnus Seminarii », propterea quod — ni fallimur — Seminarii sumptibus perficiebant studiorum curriculum.

### III

#### *De S. Alfonsi ascensu ad Sacrum Subdiaconatum.*

Arch. di Curia, l. cit., f. 172

Sabato Quattuor Temporum post crucem die vigesima secunda mensis septembris 1725. Omnes infrascripti fuerunt per Ill.mum et R.mum Dom.num. D. Dominicum Invitti (5), U[triusque] J[uris] D[octorem] ac S[acrae] T[heologiae] Professore, Dei et Apostolicae Sedis gratia Archiepiscopum Sardinum, SS.mi D.ni nostri Benedicti PP. XIII Praelatum domesticum et Pontificij Solij Assistentem, promoti et ordinati ad infrascriptos ordines respective, generales ordinationes celebrantem in Altari Maiori Ecclesiae S. Restitutae intus Metropolitanam Ecclesiam Neapolitanam pro Em<sup>o</sup> et R.mo D.no card. Franc<sup>o</sup> Pignatelli Archiepiscopo Neapolitano eius vice; et sunt numero septuaginta septem: Primae Tonsurae decem et septem, Ordinum Minorum sexdecim, Subdiaconi decem et octo, Diaconi quindecim, et Presbyteri undecim, praesentibus D.no D. Petro Casimiro de Duce, canc. secretario, D. Domenico Bordiletti, D. Blasio Filardi et aliis.

Ad Sacrum Subdiaconatus Ordinem:

D. Alphonsus de Liguoro, Patritius Neapolitanus, ad titulum patrimonij cum dispensatione trium mensium super interstitiis ab Em<sup>o</sup> (6).

D. Joseph Mormile, Patritius Neapolitanus.

*Notanda*: 1. - S. Alphonsus tenet semper primum locum in elencho.

2. - Ipsi dumtaxat et D. Iosepho Mormile tribuitur qualificatio patritia et praeponitur particula « Don ».

(5) Rev.mus Dominicus Invitti ex marchionibus Prata seu Invitti, neapolitanus et in ecclesia metropolitana canonicus, electus fuit an. 1724, aetatis suae 50, ad sedem Gratianopolitanam in partibus. Arch. Vat., Proc. Consist., an. 1724, v. 110, f. 316-322: Gratianopolitan. Eccl<sup>a</sup>. - Cfr Ibid., Nunz. Napoli, v. 169, f. 36. - Anno autem sequenti decoratus est titulo archiepiscopali ecclesiae Sardinensis (*Sardia*). Ibid., Proc. Consist., an. 1725, v. 111, f. 567-570: Sardin. Eccl<sup>a</sup>.

(6) Dispensationem praecesserat supplicatio autographa S. Alfonsi, cuius folium originale comperitur palam expositum in Musaeo Alfonsiano collegii Paganorum (*Pagani*):

Emmo. Signore.

Supplica umilissime l'Em.za V<sup>a</sup> il clerico Alfonso di Liguoro, e l'espone come si ritrova aver preso gl'Ordini Minori à Xbre del passato anno 1724. E perché desidera entrare negli Ordini Sacri nella prossima Ordinazione di 7bre. Pertanto suppl<sup>a</sup> l'Em.za Sua degnarsi di dispensargli questi tre mesi d'interstizij, che vi bisognerebbero, accioch'esso suppl<sup>te</sup> possa prendere il Santo Suddiaconato, stanteche si trova avanzato d'età, compendo 29 anni appunto nel d<sup>o</sup> mese di 7bre venturo, e l'avrà a gratia, et Deus.

3. - Inter socios Subdiaconatus invenitur Ioannes de Alterio, casalis Paniscoculi.

#### IV

#### *De S. Alfonsi promotione ad Sacrum Diaconatum.*

Arch. di Curia, I. cit., f. 177v

Sabato «Sitientes» sexta die mensis aprilis 1726. Omnes infrascripti fuerunt per Ill.mum et R.mum D.num Dominicum Invitti, U[triusque] J[uris] D[octo]rem ac S[acrae] T[heologiae] Professorem, Dei et Apostolicae Sedis gratia Archiepiscopum Sardinum, SS.mi D.ni nostri Papae Praelatum domesticum et Pontificio Solio Assistentem, promoti et ordinati ad infrascriptos ordines respective, generales ordinationes celebrantem in Altari Maiori Metropolitanae Ecclesiae Neapolitanae pro Em<sup>o</sup> et R.mo card.li Francisco Pignatello Archiepiscopo Neapolitano eius vice; et sunt numero sexaginta septem: Primae Tonsurae septem, Ordinum Minorum quattuordecim, Subdiaconi quattuordecim, Diaconi viginti, Presbyteri duodecim, praesentibus D.no P. Petro Casimiro de Duce can.co secretario, D. Dominico Bordiletti, D. Blasio Filardo et aliis.

Ad Sacrum Diaconatus Ordinem:

D. Alphonsus de Liguoro, Patritius Neapolitanus, cum dispensatione sex mensium super interstitiis ab Em<sup>o</sup>.

*Notanda:* 1. - Inter ostiarios et exorcistas adnumeratur Ianuarius Fatigati, casalis Afragolae, futurus S. Alfonsi amicus et in Collegio Sinensium comes (7).

2. - Inter neopresbyteros comperitur «patritius» D. Ioseph Mormile, S. Alfonsi in subdiaconatu socius.

Die 5 augusti MDCCXXV Em.us D.nus cardinalis Pignatellus Archiepiscopus Neapolitanus benigne dispensavit super tribus mensibus interstitiorum pro Subdiaconatu.

R.mo D.no can.co Giptio deputato pro informatione.

Ioannes Casimirus de Duce.

Orator aetatis suae annor. 28 U.I.D. habet omnia requisita ad S. Subdiaconatum: caeteraque requisita adsunt in Actis primae tonsurae integre.

Can. Giptius

Textus photocopiam lectu difficilem invenies apud S. Alfonso 4 (1933) 96.

(7) De intima amicitia, per lungam utriusque vitam protracta, inter D. Ianuarium Fatigati ac S. Alfonso nolumus instituere excursus. Cfr *Lettere di S. A.*, I, 300, 554; III, 423, 426, 427. Circa tempus quo uterque in neapolitano Sinensium cohabitavit, adest in archivio generali folium eiusdem Fatigati: «Dimostrava [S. Alfonso] un amore specialissimo ai giovani Cinesi, istruivali ed animavali col suo zelo a voler guadagnare anime a Gesù Cristo». AG, XXVI, 67. - D. Ianuarius Fatigati an. 1763 inclusus fuit in ternione regio, de quo infra (nota 9) ad sedem Cassanensem, tertius post canonicos Sparano et Mazzacara. «Se la scelta, subiungit Nuntius neapolitanus, cadesse nell'ultimo [Fatigati],

## V

*De S. Alfonsi elevatione ad Dignitatem Sacerdotalem.*

Arch. di Curia, l. cit., f. 184

Die sabato Quattuor Temporum post lucem [sic] vigesima prima mensis decembris 1726. Omnes infrascripti fuerunt per Ill.mum et R.mum Dom. num D. Dominicum Invitti, U[triusque] J[uris] D[octorem] ac S[acrae] T[heologiae] Professorem, Dei et Apostolicae Sedis gratia Archiepiscopum Sardinum, SS.mi D.ni nostri PP. Praelatum domesticum et Pontificio Solio Assistentem, promoti et ordinati ad infrascriptos ordines respective, generales ordinationes celebrantem in Altari Maiori Metropolitanae Ecclesiae Neapolitanae pro Em<sup>o</sup> et R.mo D.no card.li Francisco Pignatello Archiepiscopo Neapolitano eius vice; et sunt numero septuaginta quinque: Primae Tonsurae decem et octo, Ordinum Minorum viginti, Subdiaconi duodecim, Diaconi octo et Presbyteri decem et septem, praesentibus D.no D. Pietro Casimiro de Duce can.co secretario, D. Dominico Bordiletti D. Blasio Filardi et aliis.

## Ad Sacrum Presbyteratus Ordinem:

D. Alphonsus de Liguoro, Patritius neapolitanus cum dispensatione trium mensium super interstitiis ab Em<sup>o</sup> (8).

sarebbe ottima»: nihilominus praevidebat candidati renuntiationem, ne cogeretur derelinquere Sinensium Collegium, ubi Superioris munere fungebatur. Arch. Vat., Napoli, 267, f. 205. - Item: v. 268, f. 197: Novus regius ternio candidatorum, ex quibus delectus fuit pius operarius P. Stephanus Longobardi S. Alfonsi amicus (*Spic. hist.* 9 [1961]), qui similiter non acceptavit: « Sulla nuova nomina del Cappellano Maggiore, communicat marchio Tanucci regi Carolo Hispaniae, pel Vescovado di Cassano, il Preposito de' Pii Operari D. Stefano Longobardi ha parimente renunziato ». Arch. Stato, Arch. Borbone, I, Registro (Copialettere) del ministro Tanucci, v. 18, 15v.

(8) Hanc quoque dispensationem praecesserat nova autographa S. Alfonsi supplicatio, hodie exposita in praefato Musaeo Alfonsiano.

Emmo. Signore

Il clerico Alfonso di Liguoro supplicando V<sup>a</sup> Em.za l'espone come ritrovandosi Diacono sin dall'Ordinazione fatta ad Sities, desiderebbe di ascendere al Sacerdozio nella prossima Ordinazione di Xbre, e perché mancano tre mesi d'interstizij per compire l'anno; pertanto supplica V<sup>a</sup> Em.za degnarsi dispensargli li d.i tre mesi, secondo la grazia fatta anche ad altri, mentre esso suppl.te si ritrova già in età di trent'uno anno, e l'avrà a grazia, ut Deus...

Die XXXI 8bris MDCXXVI Em.us D.nus cardinalis Pignatellus Archiepiscopus Neapolitanus dispensavit super expositis, dummodo positiva requisita proponantur (?).

Ioannes Casimirus de Duce

Habet requisita, cum dispensatione trium mensium super insterstitiis. Neapoli 6 dec. 1726.

can. Giptius.

Cfr textus photocopiam apud S. Alfonso 4 (1933) 97.

*Notanda*: 1. - S. Alfonso adiudicantur quoque primus locus in elencho et nota obsequii signa erga suam qualitatem patritiam.

2. - Inter Tonsurandos conspicitur Hieronymus de Ambrosio, casalis Cassoriae, futurus S. Alfonsi amicus.

3. - Minoristis miscetur Iosephus Sparano, de quo tanquam S. Alfonsi socio atque praecone alias diximus (9).

4. - Cum subdiaconis procedit R.D. Isidorus Sánchez [de Luna] Ordinis S. Benedicti Congregationis Cassinensis, futurus archiepiscopus salernitanus ac cum S. Alfonso et cum eiusdem fratre Antonio benedictino amicitia ligatus ac futurus archiepiscopus salernitanus (10).

5. - Ad diaconos accedit Palmerius de Alterio, casalis Paniscoculi.

## VI

### *Documentum publicum de Sacro S. Alfonsi Presbyteratu.*

AG SAM III f. 96. - Diploma originale. Pergamena 37×26 cm.

DOMINICUS INVITTI, U.J.D. ac Sac. Th. Prof.r, Dei et Apost. cae Sedis gratia Archiep.us Sardinianus, S.mi D.ni N.ri Papae Praelatus domesticus, et Pontificio Solio Assistens.

Universis et singulis hasce inspecturis litteras notum facimus, atque testamur, Nos de Sabbato Quattuor Temporum post lucem vigesima prima Decembris millesimo septing.mo vigesimo sexto, generalem Ordinationem celebrantes in Altari majori Metropolitanae Ecclesiae Neapolitanae pro E.mo et R.mo D.no D. Francisco Card.li Pignatello Archiep.o Neapolitano, ejus vice. Dilectum

(9) Cfr *Spic. hist.* 9 (1961) Iosephus Sparano, decus Ecclesiae neapolitanae eiusque historicus, habuit natalia in eadem urbe die 21 dec. an. 1709. Aetate iam tardiore, sicuti S. Alfonsus, evectus est an. 1775 ad gubernandam ecclesiam Acheruntinam et Matheranensem (*Acerenza e Matera*). Arch. Vat., Proc. Consist., an. 1775, v. 167, f. 1-11: Ecclesiae Acheruntin. et Matheranen. Attamen, marchione Tanucci teste, can. Iosephus Sparano abnuerat an. 1763 suam electionem ad sedem Cassanensem (*Cassano*). Scribit namque Tanucci die 10 dec. an. 1763 ad regem Carolum Hispaniae: « Il buon parroco dei Vergini [Ioannes B. Coppola, S. Alfonsi amicus] accettò il Vescovado di Cassano, il quale da uomo grande obbedì senza smorfie alla chiamata di Dio e del Re. Si sente di Roma che colla sua dottrina ha messi in Roma gli Esaminatori in soggezione. Il can.co Sparano è ora pentito della sua rinunzia, e ne è anche dagli Ecclesiastici più gravi biasimato ». Arch. di Stato, Arch. Borbone, I, Registro (copialettere) del ministro Tanucci, v. 18, f. 59.

(10) Propter rationes in textu allatas subdimus breve curriculum Re.mi Isidori Sánchez de Luna, simul cum fontibus archivisticis. - Ad sacerdotium evectus an. 1728, decanatum in suo Ordine obtinuit necnon quamdam cathedram in Universitate neapolitana: unde an. 1748, quadragesimo tertio suae aetatis, suscepit regendam Ecclesiam Arianensem [Ariano] (Arch. Vat., Proc. Consist., v. 136, f. 30-40). Inde an. 1754 translatus est in sedem Tarantinam (Arch. Stato, Real Camera, Commune: 1750-1754. Exequatur: f. 61-62), denique an. 1759 in Salernitanam (Arch. Vat., l. cit., v. 148, f. 198-208). Tum vero an. 1782, demortuo Mgr. Testa Piccolomini, eidem suffectus est archipraesul Salernitanus tanquam Cappellanus Maior et Tribunalis Mixti praeses (Ibid., Napoli, v. 301, f. 76, 207), donec « Neapoli XVI Kal. nov. 1786, octogesimum primum annum agens clarus meritis obiit et in S. Severini ecclesia eiusdem urbis quiescit », sicuti legitur in illius monumento sepulchrali cathedralis Salernitanae.



Nobis in X.to D. Alphonsus de Liguoro Patritium Neapolitanum in Sacro Diaconatus Ord.e constitutum, tamquam habilem et idoneum praevio examine in classe neapolitana servato, repertum et approbatum ac habentem omnia requisita ad praescriptum S.C.T. et Decretorum Sac. Cong.nis ad Sacrum Presbyteratus Ordinem cum dispensatione trium mensium super interstitijs a praefato E.mo D.no rite ac recte in D.no promovisse et ordinasse, adhibitis ceremonijs solitis et consuetis. In quorum testimonium...

Neapoli ex Aedibus nostris die 13 Januarij 1727

Nicolaus Sanfelicius Act. Mag.

Reg. fol. 186

[*Ad dorsum:*] Bolla del R. D. Alfonso de Liguori per lo Presbiterato.  
13 Gennaro 1727.

## VII

### *De examinibus a S. Alfonso superatis ante singulos ordinationum gradus.*

Arch. di Curia, Registrum Ordinandorum [*sic*], 1702-1736. Sine fol.

1. - Die 11 et 18 mensis septembris 1724. Neapoli. De mandato E.mi et R.mi card.lis Francisci Pignatelli, Archiepiscopi Neapolitani coram Ill.mo et R.mo D.no Antonio can.co Castelli, Vic° G.li pre infrascriptos DD. Examinatores Synodales fuerunt examinati infrascripti saeculares et regulares pro suscipiendis ordinibus respective, et sunt :

Ad primam Clericalem Tonsuram [*Examinati 24:*]

D. Alphonsus de Liguoro, Patritius neapolitanus [*in primo loco*]

[*Subscribunt:*]

Antonius can.cus Castelli, Vic. G.lis.

Petrus Casimirus de Duce, Can. secret.

2. - Die 11 et 18 mensis decembris 1724. Neapoli. De mandato ... etc. [*ut supra*].

Ad quatuor Minorem Ordines. [*Examinati 11:*]

Andreas Resillo, casalis Afragolae, alumnus Seminarii.

D. Alphonsus de Liguoro, Patritius neapolitanus.

[*Subscribunt, ut supra*]

3. - Die 10 et 18 mensis septembris 1725. Neapoli. De mandato... [*ut supra*].

Ad Sacrum Subdiaconatus Ordinem. [*Examinati 18:*]  
 D. Alphonsus de Liguoro, Patritius neapolitanus, ad titulum patrimonii, cum dispensatione trium mensium super interstitiis ab E.mo.

[*Subscribunt, ut supra*]

4. - Die 26 mensis martii ac prima mensis aprilis 1726. Neapoli. De mandato... [*ut supra*].

Ad Sacrum Diaconatus Ordinem. [*Examinati 21:*]

D. Alphonsus de Liguoro, Patritius neapolitanus, cum dispensatione sex mensium super interstitiis ab E.mo.

[*Subscribunt, ut supra*]

5. - Die 9 et 17 mensis decembris 1726. Neapoli. De mandato... [*ut supra*].

Ad Sacrum Presbyteratus Ordinem [*Examinati 23:*]

D. Alphonsus de Liguoro, Patritius neapolitanus cum dispensatione trium mensium super interstitiis ab E.mo.

## VIII

*Instrumentum patrimonii ecclesiastici pro S. Alfonso constituti, tractum ex protocollo notarili originali.*

Arch. di Stato, Prot. Not., Zattitta Nicola, an. 1724, f. 83-87

[*Ad instrumenti oram:*] Donatio pro D. Alfonso Liguoro.

Die vig<sup>a</sup> octava m[ensi]s Julij mill.mo septing.mo vig.mo quarto Neapoli. Costituito nella n.ra presenza il Sig. D. Giuseppe de Liguoro, Patritio Napolitano di seggio di Portanova, agente et interveniente alle cose infrascritte per se, suoi eredi e successori, et spontaneamente asserisce in presenza mia e del Sig. D. Alfonso de Liguoro suo figlio presente ... come vero Signore e Padrone, et per titolo di compra fatta liberamente e senza patto di ricomprare dal Sig. D. Michele Pagano per istromento per mano di Notar Domenico Venettozzi di Napoli nel mese di giugno dell'anno 1717 avere, tenere et possedere una massaria arbustata, vitata, fruttata e seminaria di moggia quattordecim in circa, sita nel casale di Marianella, nel luogo detto Cardovino, quale confina con li beni del Sig. Tommaso Venuti, li beni di Antonio Massa, via pubbli-

ca ed altri se vi sono confini, et per franca et libera da qualsisia peso di cenzo, servitio, obbligo et fideicommisso purificato o purificando..., dalla quale sene percepisce d'affitto ogni anno annui docati ducento et otto.

È fatta detta assertiva d° Sig. D. Giuseppe per amore et affetto che dice portare verso d° Sig. D. Alfonso suo figlio, et acciò che il med° possa essere initiato alla prima clericale tonsura, et poi con l'aggiuto di N. S. ascendere al grado sacerdotale e mantenersi in quello con quel decoro, che tale dignità sacerdotale ricerca, have deliberato donare per titolo di donatione irrevocabile tra vivi, cedere et renuntiare al d° Sig. D. Alfonso suo figlio presente et accettante ad titulum eius Patrimonij, con l'infrascritta conditione, e non altrimenti, della sud<sup>a</sup> summa di doc. 208 perveniendi dall'affitto della d<sup>a</sup> massaria ut supra descritta, annui docati quaranta effettivi, una con tutte le raggioni, attioni et intiero stato, da conseguirseli d° Sr. D. Alfonso suo figlio ogni anno dalli affittatori pro tempore della d<sup>a</sup> massaria, anco per mezzo di pubblico Banco, e quietare.

Et volendo esso Sig. D. Giuseppe d<sup>a</sup> sua deliberatione mandare in effetto, quindi è che oggi predetto giorno, in presenza nostra di sua vera, libera e spontanea volontà d° Sig. D. Giuseppe, acciò che d° Sig. D. Alfonso suo figlio possa essere initiato alla prima clericale tonsura, e poi con l'aggiuto di N.S. ascendere al grado e dignità sacerdotale e mantenersi in quello con quel decoro che tale dignità ricerca, dare per titolo di donatione irrevocabile tra vivi, cedere e renunzare [*sic*] a beneficio del d° Sig. D. Alfonso suo figlio presente et accettante ad titulum eius Patrimonij cum infrascripta conditione, e non altrimenti, li suddetti annui docati quaranta sopra la sud<sup>a</sup> annualità delli docati 208 annui, perveniendi dall'affitto della d<sup>a</sup> massaria ut supra descritta, una cum tutte sue raggioni, attioni et intiero stato, da conseguirseli d° Sig. D. Alfonso dalli affittatori pro tempore della med<sup>a</sup>, anco per Banco, e quietare.

Ita che dal giorno, che d° Sig. D. Alfonso suo figlio sarà initiato alla prima clericale tonsura in avanti et in futurum detti annui docati quaranta ut supra donati ad titulum eius Patrimonij cum infrascritta conditione, e non altrimenti, passino in pieno dominio, possessione et percettione del d° Sig. D. Alfonso suo figlio presente et accettante, et quelli havere, tenere, possedere et esiggere dalli affittatori pro tempore della d<sup>a</sup> massaria, anco per Banco e quietare. [*Iterantur nonnullae formulae*].

E di più vuole d° Sig. D. Giuseppe che debbia detti docati quaranta d° Sig. D. Alfonso suo figlio, initiato che sarà alla prima clericale tonsura, ne sia d'essi il med° usufruttuario sua vita durante tantum, e doppo sua morte, di nuovo vadino a beneficio di d° Sig. D. Giuseppe suo padre, eredi e successori del med°. [*Pergunt aliae formulae*].

Praesentibus Iudice ad contractus Regio m.co Anello Napolitano de Neapoli, Andrea Bruno, Ioanne B<sup>a</sup> Picco, Donato Ansalone, Iacobo Izzo et F.co Giordano testibus.

---

*Postscriptum super Rev.mo D. Salvatore MIROBALLO.* - Supra (nota 2) allegavimus quasdam notitias spectantes ad Rev.mum D. Salvatorem Miroballo. Dum autem folia e prelo nobis remissa inspiciamus, ad manus quoque nostras pervenit eximii Praesulis testamentum, ex quo trahimus unam alteramve indicationem, quatenus respicientem manipulum amicorum S. Alfonsi candidati ad militiam ecclesiasticam. Ecce rerum summa:

Die 4 oct. 1741... in Collegio RR. PP. vulgo dicto de' Chinesi [*sic*] seu Santa Famiglia sopra Pirozzo, in dove fa dimora... [vuole che] se muore dove si ritrova, sia seppellito nella medesima chiesa [*Sinensium*]; se muore fuori, nella sepultura gentilizia di S. Giovanni a Carbonara [O. S. Augustini]... Istituisce erede universale D. Antonio Miroballi di Campomele suo nipote... [*Fundavit quoque cappellaniam propriam*] (11).

Die 7 dec. 1741... Nel Collegio detto de' Chinesi, nel corridoio [*sic*] di mezzo, in una stanza a portone che fa angolo di d° corridoio. - In codicillo designat suos cappellanos RR. DD. Tomaso Schioppa e Gennaro Faticato (vide supra, nota 7), « religiosi in d° luogo », atque subiungit: « Dichiaro tenere alcuni libri in potere del superiore D. Matteo Ripa...; vuole si debbiano riponere nella libreria comune di d<sup>a</sup> Sacra Famiglia per servirsene li RR. PP. di d° santo luogo » (12).

Quae omnia memoravimus, quia notum est S. Alfonsum post suum primum biennium sacerdotale sese recepisse intra eadem Collegii septa, quae serenos reddiderunt postremos dies Rev.mi D. Salvatoris Miroballo. - Cfr *Spic. hist.* 8 (1960) 421.

---

(11) Arch. di Stato, Napoli. Prot. Not., Montefusco Francesco Luigi, an. 1741, f. 1044: Testamentum nuncupativum pro Ill.mo D.re D. Salvatore Miroballo.

(12) Ibid. f. 1170: Codicillum pro Ill.mo D.re D. Salvatore Miroballo.